

從拜佛陶寢兩際攝教釋宗詳于梁魏之書備例蜀川之紀豈非擇水而處得至身而達性知幾其神悟佛性之非朽故釋衆具造像書經敬勒願言陳于秦末庶同悟士塵斯道哉維唐龍朔元年京師西華觀道士朝散大夫郭行真所造夫以一實之道理越於天仙大覺之言義誠於空有至如陳思辨道乃涉方士之科何晏叔繇亦在聖門之列然則道有小大之別聖亦昇沉之儀老君柱史之負立教非為其主釋乃法玉之位訓範統於幽明故二篇述作顯於山之論兩諦大造程於周氏之宗所以必古至今罕能詳覈余承正則義取真乘造佛書經無替心曲用茲上善通被識情願解大道發無上意

集古今佛道論衡卷丁

集古今佛道論衡四卷重校序

按此一部四卷之書其第四卷國本與宋本則同唯八紙耳丹本大多至三十四紙非唯多小不同文義亦不相涉又前第三卷國本與

宋本則同丹本始終迥異者何耶今進退檢校宋本錯亂失第三卷妄引第四卷為第三卷於第四卷則傍引道士郭行真捨道歸佛之文十餘段凡八紙補為一卷國本依宋故同錯耳今詳此一部撰集之體始自漢明帝終至唐高宗歷紀帝代佛道論衡而國本宋本之第三卷九七條事即唐高宗時事也今於第四卷八紙後所連寫十條之事是高祖太宗時事也然則先後倒錯勢必不然理須正之今依丹本以高祖太宗時十事為第三卷高宗時七事為第四卷而正焉其郭行真捨道歸佛之文并附于尾云守其序

甲辰歲高麗國分司大藏都監奉勅彫造

K. no. 1067

續集古今佛道論衡一卷

唐武天皇國事 星

出後漢書列傳七十八

大唐西崇福寺沙門釋智昇撰

案漢法本內傳云明帝永平年中夜夢見丈六金人光明特異色相無比明帝寤不自安至旦大集群臣以占所夢通人傳殷奉荅曰臣聞西域有神号之為佛陛下所夢將必是之國子博士王遵謹對曰臣案周書異記云周昭王時有聖人出在西方六史蘇由對曰所記一千年時聲教被及此土陛下所夢必當是之明帝信以為然即遣中郎蔡愔與中郎將秦景博士王遵等十八人尋訪佛法至天竺國見沙門迦葉摩騰竺法蘭二人秦景等乃求請之摩騰二人誓志弘通不辭疲苦即共景等乃冒涉流沙至於洛陽明帝大悅甚尊重之即於洛陽西立精舍即今白馬寺是也本白馬負經來因以為名摩騰二人既至翻譯衆經二人為漢地僧之始經是漢地法之初又釋迦像是憂填王

像師第四作之明帝即令畫畫模寫如法供養即是漢地佛之初

永平十二年十二月十一日明帝在白馬寺設齋行道帝問法師摩騰曰

佛處生化世滅度日月可知不法師

對曰佛癸丑之年七月十五日夜託

陰摩耶夫人甲寅之年四月八日在

迦毗羅衛藍毗尼園從母右脇而生

案周書異記云周昭王即位二十四

年甲寅歲四月八日江河泉池忽然

汎漲井水並皆溢出宮殿人舍山川

大地咸悉震動其夜五色光氣入貫

太微遍於四方盡作青紅色周昭王

問大史蘇由曰是何祥也蘇由對曰

有聖人生在西方故現此瑞昭王曰

於天下何如蘇由曰即時無他一千

年外聲教被及此土昭王即遣鶚石

記之埋在南郊天祠前當此之時佛

生王宮壬申之年十九出家

漢統師云佛十九出家當周昭王四

十二年壬申之歲三十成道漢統師

云佛三十成道周穆王二年癸未之

歲當陽化世四十九年漢統師云佛

出世化物四十九歲案周書異記云

周穆王即位三十二年見西方所有

光氣先問蘇由所記知西方有聖

人處化穆王不達其理恐非周道所

宜令相國呂侯西入會諸侯於塗山

以禳光變當此之時佛法久已處世

壬申之年二月十五日臨般涅槃漢

統師云佛入涅槃當周穆王五十二

年壬申之歲

案周書異記云周穆王即位五十二

年壬申歲二月十五日平旦暴風忽

起廢損人舍傷折樹木山川大地皆

悉震動午後天陰黑西方有白虹作

十二道南北通過連夜不滅穆王問

太史扈多曰是何徵也扈多對曰西

方有聖人滅度衰相現也穆王大悅

曰朕常懼於彼今將滅度朕何憂也

當此之時佛入涅槃計佛入涅槃至

今合有一千二十二年明帝大悅曰

弟子此土周書異記法師所說恰然

與同帝復問法師曰佛是大慈王當

時出世何不化及此土法師對曰迦

毗羅衛國者是三千大千世界百億

日月之中三世諸佛皆從彼生不同

天龍鬼神有願行力者並生於彼受

佛正法咸得悟道餘處衆生無緣感

佛佛不往也當時不往處光明皆悉

及之光明及者佛涅槃後或五百年

或一千年之外皆有聖人傳佛聲教

而教化之明帝曰法師言一千年外

有聲教者亦與周書異記同案齊國

大統法師達摩鬱多羅答高黎國諸

法師云佛當周昭王二十四年四月

八日生當周孝王五年二月十五日

入般涅槃

案帝王世紀云周昭王即位五十一

年崩周穆王即位五十五年崩周恭

王即位十二年崩懿王二十五年崩

從昭王二十四年計至孝王五年合

一百二十四年從佛初生計入涅槃

合七十九年今言孝王五年者何太

謬乎未知統師出何書典

案世傳記云正法五百年像法一千

年末法一万年經云息用名滅非死

滅也一本無像法有正末二法記從

佛入涅槃計漢明帝永平十年凡一

千二十年從漢明帝永平十年計至
大業十年甲戌歲凡五百四十八年
合一千五百六十八年從大業十年
至貞觀十年歲次丙申二十二年
通前一千五百九十年
漢法本內傳第三

道士度脫品 明帝永平十四年
正月一日五岳諸山觀道士朝正之
次先承京師向西域天竺國取得佛
本言是脩多羅教復請胡師迦葉摩
騰竺法蘭二人等翻譯佛本一從漢
言又立白馬興聖二寺

勅度王公子女令作沙門承事胡師
遵用其法京師貴賤奉敬者衆諸道
士怪焉迺互相命曰至尊棄我道法
遠求胡教我等今日朝次各將太上
天尊所制經書各盡已之所能共上
一表乞與胡師比校令至尊意悟使
有所歸余時南岳道士褚善信等七
十人將靈寶真文一部 太上靈寶
玉訣一部 空洞靈章一部 中玄
步虛章一部 太上左仙公請問一部
自然五稱一部 諸天內音一部

合一百三卷 華岳道士劉正念等

七十人將智惠定志一部 智惠上

品戒一部 仙人請問本行因緣一部

明真科一部 合六十二卷

恒岳道士桓文度等七十人將本業

上品一部 法科罪福一部 明真

科齋儀一部 太上說洞玄真文一部

合八十卷 岱岳道士焦德心七十人

將諸天靈書度命一部 太上說太

極太虛自然一部 滅度五練生屍

一部 度自然處儀一部 合八十

五卷 嵩岳道士呂惠通等一百四

十人將太上安志上品一部 三元

誠品一部 太極左公神仙本起內

傳一部 服御五牙立成一部

朝夕朝儀一部 合九十五卷

霍山天目山五日雲山白鹿山宮山

合八山諸山觀道士祁文信等二百

七十人將太極真人數靈寶文一部

太上洞玄靈寶大文五符經一部

步虛文一部 神仙藥法一部 尸解

品一部 上天符錄勅禁一部 合八

十四卷 并茅成子一部 許成子

一部 列成子一部 惠子一部

合二十七家諸子經書摠二百四十

五卷

正月九日揚州界豫章郡吳丘縣南

岳道士褚善信以為表頭五岳十八

山觀太上三洞弟子道士褚善信等

六百九十人死罪上言臣聞太上無

形無名無極無上無虛自然大道元

首自從造化道教從生無為之尊自

然之太上同尊百王不易今陛下

道邁羲皇德過堯舜光澤四海八表

歸仁臣等竊承陛下棄本退末教

西域臣觀西域所事者既是胡師所

說者不參華夏復請得胡道人令翻

其語說同似漢臣等思付陛下雖翻

得此語恐非大道如不依信願陛下

恕臣等罪聽與驗試臣等五岳諸山

道士多有聰明智惠博通經典從元

皇已來太上經行悉能曉了太虛符

呪並皆明達或有吞符餌氣或有榮

使鬼神或有入火不燒或有履水不

溺或有白日昇天或有隱形於地至

於方藥法術無有不能者願陛下許

續集古今傳道論衡一卷第八疏

臣等得與比校一則聖上意安二則得辨真偽三則大道有歸四則不亂華俗臣若比對不如任上重決若臣等比對有勝乞除虛詐臣等誠惶誠恐死罪死罪以聞 明帝又得沙門迦葉摩騰竺法蘭等二人說法善明法相心大信敬既得道士表聞即遣尚書令宋庠引諸道士至長樂宮前帝謂道士曰諸大德莫自誤也大德所言太上無形無上為尊自然之父者今日西域所將來是脩多羅之教其教難遇今始東傳大德比來所學者影響耳非其真法大德今既見真法仍不捨本從末何異古人葉公之龍也 褚信奉問曰若佛道是真應無形色去何處盡其像以此驗之定非虛無自然之宗 帝曰摩騰法師曾為朕說法言佛有四種法身所謂法報應化一者法身無為無相無主無宗蕩然空无自然澹泊二者報身獨立無侶朗然無疋光耀世界自在隱顯三者應身備諸

續集古今傳道論衡一卷第九疏

形色言行無端任物千面神應方變四者化身開演正法導以三乘利潤蒼生隨機化寤諸大德須知佛有四種法身出沒自在不可思議其用也則万像俱應其息也則託入幽玄此是智慧之大山涅槃之巨海必須妙信得福無量

褚信問曰不審帝說涅槃是何句義帝曰涅槃無為淡泊自然此四者一味耳如似眼目異名焉

褚信問涅槃之義有幾種

帝曰摩騰法師曾與朕說法云涅槃義乃有種種言入聖位中者涅槃有五種一者隨分涅槃二者有餘涅槃三者覺滅涅槃四者方便涅槃五者究竟涅槃

褚信問曰未審五者其義云何

帝曰一者小乘初果須陀洹果斯陀含果阿那含果各受人天報盡得生初禪或生二禪或生三禪是名隨分涅槃二者小乘極果阿羅漢善寂六根證七識空智得生四禪或生空處是名有餘涅槃三者中乘辟支佛果

續集古今傳道論衡一卷第十疏

觀十二因緣證滅盡樂得生識處乃至非想非非想處是名覺滅涅槃四者大乘初地已上菩薩常居六道出入生死不捨衆生隨類受形而教化之清淨願行不退菩提是名方便涅槃五者菩薩於無量劫世常在生死海中歷諸勤苦備行善本成就万行得證無上正真正道是名究竟涅槃 褚信奉答曰若佛是究竟涅槃願與試

帝曰卿若為比試

褚信對曰臣以太上天尊所說經典設壇置經壇上以火焚之其法若真願火不燒其法若虛妄願從火化西域之教願與臣同於此試

帝曰卿無自辱焉朕恐卿等螢火之光明盪同日月之顯彈丸之土竊價隋國之珠寶非其類如欲相比卿既不相信可此月十五日平旦總集白馬寺與卿比校道士即得 勅許歡忻而去諸道士在京師聚衆或在洛水上履水而行水不能溺或在園苑積薪自燒火不能損或在京師市巷

作種種咒禁呼召鬼神京師觀者咸言大聖正月十一日 帝詣白馬寺

至佛殿前燒香行道禮拜訖問二法師啓首具說諸山道士功能欲來與師比較弟子輒不自量口以許之尅此月十五日大集白馬寺願師垂恩開示法藥摩騰法師對曰如來滅度一千餘年正教東流法不虛設道士欲來比較今正是時貧道雖處縋服戒行無取今仰憑正法諸佛威力得與開悟帝聞此言心大歡喜摩騰法師復語曰陛下往脩福業得為天下主既遇正法復能信心奉敬方欲引導群生指於歸處此是開基之功恩加萬葉菩薩之行功德難量帝即整容札摩騰法師足啓法師曰弟子往蒙法師光相喜滿交懷又屈法師持法宣化弟子一生再幸不勝慈澤法師大悅令帝復坐問竺法蘭法師曰西域有道士以不法師對曰西域梵志者同此間道士帝曰道有幾種以何為宗法師對曰道有九十五種並宗正法其行有老欲司觀者八種梵

行一者常脩梵行博通外典事摩醯首羅天王以為天尊求生空處識處非想非非想處二者常脩梵行博通外典事大梵天王以為天尊求生初禪二禪三禪四禪三者常脩梵行博通外典事天尊求生炎摩天兜率天化樂天他化自在天四者常脩梵行博通外典辯於論答事六師弟子等以為師尊求憑空滅絕有無五者常脩梵行志在仙學善禁咒事阿私陀仙以為仙尊求五神丹服之若得仙道會假風鳥力得昇霄漢六者常脩梵行志在醫學善於符術事阿私陀仙以為尊求五芝草服之若得仙道會假商劣得匿形影七者常脩梵行事疲頭大仙以為仙尊求入火聚火不能損八者常脩梵行事夷制淋羅水仙以為仙尊求入江海水不能溺此八種道以梵行力得生天上以不發正信迴向心故天上壽盡還墮三惡道中帝曰此八種道常脩梵行博通外典即是世間聰惠上人當時值佛應得悟正云何不捨諸見仍有此法蘭法

師對曰佛生難遇百一小劫一佛出世佛未出已前造化之始或有大力諸天或有自在聖人恐世無訓降生此俗或作帝王或作師儒各舉已一或教梵行或可教禮敬行或教事佛或教事日月神或教事江海神或教事諸山神或教事水火神或教事社稷神或教事先師神如是等種種神明悉教事之衆生從劫初已來學習久遠雖值佛出世有鈍根者咸言我之事從元皇已來尊仰佛雖神異其教近耳何能捨本從今今時執見者在其道不滅 帝曰佛道之中亦有仙号以不法師對曰仙者並傳梵行多諸伎術是以為世所上佛初成道時坐於菩提樹下世人未識是佛光明顯照咸言摩訶大仙生未曾有也舍利弗目連等坐卧空中神化自在各相謂言此是大弟子天公也佛以隨機應顯佛号生焉 帝曰弟子蒙師說法心想朗然未審法師豫設何法欲調伏道士

續集古今佛道論衡卷一 第三十卷 星

法師對曰龍吟雲起非蛇蝎之所能虎嘯風生非跛驢之所及雷門無施布鼓電曜豈懼螢光敵對即施何用預搔待瘳

帝乃大笑弟子知師有證達之理無畏懼焉法師對曰貧道未得過人法又不敢增上慢譬如弟子爵位封王帝命將勅巡省革易風俗其王見到郡縣官人豈有不懼以不

帝曰使者既是朕子又行朕命至於州郡縣豈敢不懼 法師又問曰王巡省之次郡縣令長敢在王前行自在以下

帝曰承朕威命所在官人懲肅畏法寧敢自在 法師曰如是如是誠如帝說貧道出家人亦名法王子所持正法亦是法王金口所說所在教化亦無畏懼若法行處一切諸天魔鬼莫不奉敬道士小患何足消伏帝聞法師一言轉加意大即辭法師入城

勅有司令辦供設齋并勅五品已上文武内外官人仰十五日平旦悉集

續集古今佛道論衡卷一 第三十一卷 星

白馬寺十三日道士在白馬寺南門外道東裏東西置三壇壇別開二十四門西壇置太上靈寶天尊經合三百六十九卷中壇置諸子黃老等二十七家書合有二百三十五卷東壇置饌食奠祀百靈十四日帝設七寶行殿在白馬寺南門道西步置佛舍利及佛經像十五日平旦大衆普集已時齋訖

帝謂道士曰諸大德欲試今正是時先顯卿等所能以示大衆道士等奉勅即以紫荻和梅檀沉水等香木積遶西壇經教上復作啓告啼哭流涕曰太上尊天經典與造化俱開往昔今賢行之不捨今為西域別教入亂華俗臣等五岳諸山觀稽善信等合有六百九十人敢以置經壇上以火取驗欲用曉示衆生以辯真偽伏願上慈顯出神効即便放火燒經經隨火化悉作灰燼道士等見火焚經心大驚愕先時昇天者不復能昇先時隱形者不復能隱先時入火者不敢更入先善禁呪者呼策不應先有

續集古今佛道論衡卷一 第三十二卷 星

種種功能者施用無一可驗道士等大生慙愧

帝謂道士曰卿等不聞益州部內有鍾山亡命賊在於山澤放縱自由謂無過者及其臺軍討罰形勢不立卿等今者亦復如是余時太傅張衍語諸信曰卿今捕試無一効驗即是虛妄宜就西域真法

諸信對曰茅成子云太上者靈寶天尊是也造化之始謂之太素豈虛妄乎張衍曰太素有貴德之名更無言教之稱今說有言教者即是虛妄也吾究尋典籍靈寶迥無氏族可依推尋古今靈寶亦無成道處所若靈寶自然者經典從何而生若說靈寶出世者古帝前王與誰說法虛受太上之名妄假天尊之号此是仙覺法王說也濟於六道普潤含靈卿亦可歸真棄虛妄必須尊學若不奉敬可謂虛度百年無功而逝卿若慢心不信亦專心黃老黃老者雖無法王之量亦是前世聖人撰集雖同諸子言行甚奧託性無為道德之府也昔孝景皇

帝常脩行不倦道學從此生焉處百家之長得擬佛法為次至於茅成子列子莊子等書並學自然道遠塵外亦是黃老之次卿何慕焉獨專於靈寶也褚信對曰靈寶有昇天隱地之功符禁鬼神之力履於水火無有不効今者以火焚經不蒙哀愍吾大生恥辱行曰大之制小使其然也辟如州郡令長各處一境判決自由若對帝王威德不立卿等比校亦復如是今日卿等所學法者欲使山無猛犸之文世絕譌學之侶一則就真辯為二則不誤將來褚信默然不答與南山道士費糾才自憾而死

余時佛舍利光明五色出直上空中旋環如蓋遍覆大眾映蔽日輪塵騰法師先得阿羅漢果以慈善根力踴身高飛行於虛空中袖化自在還坐本處怡然而住其時天雨寶華在於佛殿前及眾僧上又聞天中音樂之聲感動人情大眾歡喜歎未曾有也余時法師即於大眾中而說偈言孤非師子類燈非日月明池無巨海納

丘無嵩岳嶽法雲垂世界善種得開萌顯通希有法處處化群生

法師說偈訖白道士曰諸大德欲有所問者前出共論余時嵩岳道士呂惠通對曰吾等諸人不量德力輒欲比校向見神光顯照絕世難知又逢大士神變奇特無比天樂垂音以開我等迷路天華表瑞始知大道有歸我等未解聖法焉敢諮問

明帝即從坐起礼法師足白法師曰弟子常處生死淪沒受河今值正教東流傳之初始願師大慈開縱曉示法師受請嘿然如許

帝勅大眾欲求法者前近法師坐大眾圍遶數百餘重各各靜然

余時法師即出大梵音聲微妙第一歎佛功德不可思議亦令大眾稱揚三寶歎述善法即為大眾說人天地獄因緣法或說小乘阿毘曇法或說大乘摩訶衍法或說懺悔滅罪法或說出家功德法大眾既聞法已各生希有心余時司空楊成侯劉善峻白法師曰大德向者仰觀智慧與海

同量非我凡夫所能度也我等欲憑大士出家充奉給侍願垂聽許不法師曰諸大眾發心出家是解脫業緣仁者各有王難所繫非我所許帝即前出白法師弟子比來常為真假相亂無慧能辯得蒙法鎔垂照始知實相有歸今此會中有道士官人民庶及婦女等若能出家者弟子自與剃頭三衣瓶鉢並悉施與別立精舍奉之使學道法法師歎曰善哉善哉帝之功德不可思議

余時大眾聞帝聽許皆大歡喜四岳諸山觀道士呂惠通等六百二十人出家南岳觀道士褚善信費糾才在會身死南岳觀道士六十八人殯埋信等不預說法不得出家五品已上揚城侯劉善峻等九十三人出家時帝侍衛九品已上鎮遠將軍姜苟兒等一百七十五人出家京都治民及婦女阿潘等一百二十一人出家十六日

帝共大臣并文武官數百人與出家者剃頭日日設供夜夜然燈作種種

續集古今佛道論衡卷 第三十五

伎樂比至正月三十日法服粉鉢志
皆施訖即立十寺城外七寺城內三
寺七寺安僧三寺安居漢之佛法從
此興焉

漢法本內傳凡有五卷

第一卷明帝求法品

第二卷請法師立寺品

第三卷與諸道士比校度脫品

第四卷明帝大臣等稱揚品

第五卷廣通流布品 一部五卷

傳法記一卷 安玄通記云

漢桓帝建和三年己丑之歲有沙門
安清是安息國王太子捨國出家存
意遊化至洛陽譯出衆經漢靈帝
嘉平五年丙辰之歲有一沙門支迦
樓國出家是月支國人至洛陽譯出
衆經漢靈帝光和二年己未之歲有
沙門竺佛朔是月支國丞相棄相位
願弘佛道開化衆生至洛陽譯出衆經
案魏書文帝黃初三年壬寅之歲有
沙門曇摩迦羅中天竺國人至許都
譯出經戒律
漢明帝永平十年至魏文帝黃初三

續集古今佛道論衡卷 第三十六

年合一百五十年 案吳書吳主孫

權赤烏四年辛酉之歲有沙門康僧

會是康居國人大承相之長子志弘

大道遊化諸國初達吳地營立茅茨

設像行道吳人初見謂是妖異有司

奏聞吳主曰漢明帝夢神号名為佛

是其遺風乎即召僧會問之曰佛有

何神驗也 僧會對曰佛晦靈迹

出餘千載唯有舍利至心求者應現

無方吳主曰若得舍利當為起塔如

其虛妄國有常刑 僧會對曰舍

利慈愍求即顯降若無感者當以死

期何假王憲乃請至七日至三七日遂

獲舍利五色曜天吳主即置舍利鐵

礎上令大力者以鐵鎚擊而試之當

即礎鎚俱陷於地舍利無損吳主復

置舍利對炭火中舍利光明從火而

出作大蓮花照耀宮殿吳主敬信僧

會一遵其法即造建初寺為舍利起

七寶塔其地名佛陀里江東佛法自

是興焉起黃初三年至吳赤烏四年

凡二十一年從永平十年至吳赤烏四

年合一百七十年康僧會是吳地僧之

續集古今佛道論衡卷 第三十七

始教是吳地法之初吳主孫權問尚

書令都鄉侯闕澤曰漢明帝夢神遣

中郎蔡愔等向西域尋訪佛教至今

可有幾年闕澤對曰從漢永平十年

至赤烏四年合一百七十年吳主曰

佛教入漢已久何緣今始傳至江東

闕澤對曰漢明帝永平十四年南岳

道士褚善信正朝之次與諸山觀道

士褚信同上一表乞與西域法師迦

葉摩騰竺法蘭等比校今時佛教初

到洛陽漢明帝始立白馬寺興聖寺

法師迦葉摩騰竺法蘭翻譯衆經始從

漢讀道士未達正法深淺不知上表

乞與對驗明帝許之至正月十五日

在白馬寺門南岳諸道士設壇將所

學法名靈寶經置壇上放火焚之當

時以正法力故道士書典悉從火化

無有遺者復作種種技術施用無効

諸道士等皆大慙恥南岳褚善信費

糾才等在會中自憾而死自餘道士

明帝勅放還岳其時不預蘭法師說

法者不得出家今時無人流布後遭

漢政凌遲兵戈不息是以佛法一百

七十年中而不通今遇法師僧會入
來教化江東始得興行吳主曰孔丘
老子二家得與佛道比對以不闕澤
對曰臣建安年中在洛陽遊學曾入
法舉寺禮拜得遇法師惠續垂照講
大乘經臣聞法愛樂當時遂憑法師
在寺得聽法音首尾向三年臣審知
佛是無上法王衆聖所歸教加一切
哀含万像深同巨海不簡細流明同
日月不嫌星燭會觸即化遇物斯乘
天上人中自然尊大縱使天有普覆
之地地有能載之力皆是諸佛建立
使之然也臣又尋魯孔丘者英才誕
秀聖德不群世号素王制作經典訓
獎周世教加來葉師儒之風澤潤今
古亦有遠民如許成子廣成子原陽
子列子老子莊子等百家諸子書皆
脩身翫習放暢山谷縱大其心學歸
淡泊事乘人倫長幼之節亦非安世
化民之風是以古人將為滯陷盖此
之謂至漢景帝考諸百家以黃子老
子義辨尤深内外明達改子為經始
立道學

勅訓朝野令諷誦焉若將孔老二家
遠方佛法遠則遠矣所以然者孔老
設教法天制用不敢違天諸佛設教
天法奉行不敢違佛以此言之實非
比對明矣 吳主曰仙有靈寶之
法何如 關澤對曰靈寶者一無
氏族可憑二無成道處所教出山谷
無所知也直是山居濫說非聖人所
制吳主善荅之曰公學博精通覽元
不恙宜加太子太傅令領侍中尚書
令如故案後涼書秦主苻堅建元十
九年遣征西將軍酒泉公呂光西討
龜茲國得沙門鳩摩羅什是龜茲國
大承相之長子呂光至涼州問秦主
姚萇曰官光遂稱帝涼治姑臧羅什
在涼州譯出大華嚴經以自說適至
秦主姚萇子興和始二年至長安譯
出衆經佛法今時大盛當晉大興三
年安北涼州沮渠蒙遜永和二年有
沙門曇摩讖是天竺國人至涼州譯
出衆經至持地六度不譯戒品謂漢
地人不能持戒隱如不譯時有比丘
披讀經文怪無戒品遂即行道心

專求夜夢見一道人授戒本與比丘
得戒誦持至明告識曰昨夜夢中見
有法師授我戒品恐有所忘願與正
之識即令比丘誦之與本无異識曰善
哉善哉大德吾恐漢地人不能持戒
不復譯之今大德求如得者漢地必
有持者戒品從此流行當晉隆安四
年自此以後年年西國沙門傳法來
者衆非記可盡論營記元魏正光元
年歲次庚子七月明帝加元服大赦
二十三日請僧尼道士在佛殿前設
齋齋訖帝語侍中劉騰宣 勅請法
師等與道士論議以釋弟子疑網
今時諸觀道士姜斌與融覺寺法師
曇護軍對論 帝問曰佛與老子
同時以不 姜斌對曰老子西入化
胡以充侍者明是同時 姜斌對曰案
法師問曰何以知之 姜斌對曰案
老子開天經是以得知
法師問曰老子當問何王幾年始生
周何王幾年西入 姜斌曰當周定
王即位三年乙卯之歲在於楚國陳郡
苦縣屬鄉曲仁里九月十四日夜子

時生周簡王即位四年丁丑之歲事
周為守歲吏當周簡王即位十三年
丙戌之歲遷為太史當周敬王即位
元年庚辰之歲年八十五見周德陵
遲遂與散關令尹喜西入化胡此足
明矣

法師對曰佛當周昭王二十四年歲
次甲寅四月八日生當周昭王四十
二年歲次壬申十九出家當周穆王
二年歲次癸未三十成道當陽化世
四十九載當周穆王五十二年歲次
壬申二月十五日入般涅槃今計佛
入涅槃後經三百四十五年至周定
王三年老子始生生已年八十五至
周敬王元年經四百二十五年始與
尹喜西入據此年月日懸殊不同鄙
夫一何闢說輒言佛為侍者豈不高
岸為谷小乃謬乎姜斌曰案開天之
文李柱史西入化胡佛為侍者亦應
不謬法師輒非此事恐理未安法師
對曰夫佛者法王也故能降靈兜率
生出王宮万福圓備億善臻集普化
三千均濟六道行即金花捧足坐即

百寶蓮臺出則帝釋前駢入則梵王
侍後左輔密跡以斷邪偽為効右有金
剛以滅邪魔為功無央菩薩以充法
子無量聲聞以為聖眾護世四王朝夕
觀省天龍八部晝夜奉接天樂懸空如
雲天花散落如雨師子一吼外道歸
真法鼓自鳴邪魔從正何得與周歲
吏以為侍者若周柱下史有法王子
之量應在周世如現神通何有避世
西遊方能化物若也柱史能化其時
周德雖曰衰微仍承文武成康之風
柱史既乃周世五王何不加之以神
變顯之以法藥若能此者如風在草
色正自由何用潛遊於西速化胡俗
況法王柱史相去四百二十餘年今
言同時特為侍者此亦悞之太甚深
可悼焉仁者既有開天之說此狂簡
斐然文章何足依信 姜斌曰若
生當昭王滅周穆王出何文記
法師對曰出周書異記并出漢書法
本內傳並有明文當今君子故應覽
見不能為君一人對眾更說 姜斌
曰孔子既是制法聖人當時於佛何

得迥無一言記 法師對曰真是仁
者不識同於管闕覽不弘廣何得輒
謗孔子於佛迥無一言記仁者若不
相信孔子自有三條卜經佛之出世
在中脩仁者善自披究足得開曉
姜斌曰孔子聖人不言如志何假卜
乎 法師曰唯佛是聖人之法王
四生上首遠視一切衆生前後二際
吉凶終始不假卜觀視若掌中自餘聖
人雖曉未然之理必藉著龜以通靈
卦也
余時明帝即遣中尚書又宣勅道士
姜斌論無宗旨復去開天經言老子
說者問姜斌此開天經何處得來是
誰孰與姜斌對曰臣亡師道士張祥
邊得
帝曰經在何處姜斌對曰在觀遺中
書侍郎魏取尚書祖瑩等就觀取得
經將來帝遣文武官尚書郎已上議
當太尉公蕭瑒太府李寔衛尉卿許
百挑吏部尚書邢巒散騎常侍溫子
昇等一百七十人讀訖云老子止著
五千文西隱流沙更無言說此書虛

妄專言老子化胡說十二部經臣等

所議姜斌罪當惑眾 帝謂道士

曰卿等比來專學此法何名求道諸

道士對口臣等並無此書今日始聞

姜斌所說 帝即遣中書郎邢子才

黃門侍郎楊寬等向觀重搜諸房搜

訖盡無此書 帝曰姜斌道人罪合

極刑付獄斬決今時廷尉卿元超領

斌將出 三藏法師菩提流支諫曰

陛下新赦恩宥天下今復建齋以啓

多福 勅令論議開暢風猷姜斌雖

可語無宗旨得沾案會今 陛下從

天恩之威就案法之中如欲勸人恐

不當天意

帝曰弟子謹案經云佛在因中作國

王時煞五百婆羅門不犯戒律今姜

斌開天之說此即妖書惑亂朝廷今

不斬決誤後不少 法師極諫姜

斌免死配徙馬邑

續集古今佛道論衡一卷

甲辰歲高麗國分司金藏都魯奉
勅彫造